



III CONVOCATORIA DE AXUDAS DE EDUCACIÓN PARA O DESENVOLVEMENTO, SENSIBILIZACIÓN E PARTICIPACIÓN SOCIAL

Oficina de Cooperación e Voluntariado 2016

OBXECTIVO

Co obxectivo de apoiar aquelas actividades desenvolvidas pola comunidade universitaria cuxo fin sexa darlle pulo aos valores de cidadanía global na Universidade, que impulse un novo modelo humano comprometido activamente na consecución dun mundo máis sostible e equitativo, que valore e respecte a diversidade cultural, que promova o consumo responsable, que se comprometa coa erradicación da pobreza e as desigualdades, que defenda os Dereitos Humanos individuais e sociais e a igualdade de xénero, e que favorezan o coñecemento dos Obxectivos de Desenvolvemento Sostible (ODS), promovendo a participación social comprometida e corresponsable da comunidade universitaria da UDC, a Oficina de Cooperación e Voluntariado convoca estas axudas de Educación para o Desenvolvemento, Sensibilización e Participación social.

Dentro desta convocatoria, poderán ser obxecto de financiamento as seguintes actividades:

- Realización de charlas, xornadas, conferencias, exposicións etc., no ámbito da comunicación e a educación para o desenvolvemento.
- Cursos e obradoiros específicos para a formación e sensibilización da comunidade universitaria no ámbito dos Dereitos Humanos e a Xustiza Social.
- Publicación de materiais relacionados coas temáticas da convocatoria.
- Outras accións que cumpran cos obxectivos desta convocatoria.

As actividades e accións obxecto destas axudas deberán aterse ás seguintes regras:

- As actividades deberanse levar a cabo na UDC. No caso de que excepcionalmente se realicen fóra dos campus universitarios, deberá argumentarse na solicitude a forma en que a acción reverterá na comunidade universitaria.
- A persoa solicitante deberá contar cos permisos precisos para realizar a actividade.
- No caso do alumnado, valorarase moi positivamente a participación na actividade de PDI ou PAS da UDC, máis especialmente se colabora activamente no proxecto.



- Se a persoa solicitante percibe outra/s axuda/s para a mesma acción deberá informar a OCV o máis axiña posible.
- Terán preferencia as accións institucionais impulsadas desde as escolas, facultades e servizos xerais.
- Valoraranse positivamente as accións cuxa repercusión involucre un número elevado de membros da comunidade universitaria.
- A acción poderá executarse desde o día seguinte á resolución da convocatoria ata o 2 de novembro do ano 2016.
- As persoas solicitantes de axudas nas convocatorias de anos anteriores non poderán solicitar como titulares estas axudas en 2016.

PERSOAS DESTINATARIAS

Poderán participar todas as persoas membros da comunidade universitaria da UDC: persoal docente e investigador (PDI); persoal de administración e servizos (PAS), estudantado matriculado, así como as demais persoas vinculadas á UDC, sempre e cando non sexan incompatibles para acadar este tipo de axudas e non se lles concedese a mesma axuda en convocatorias anteriores.

CONTÍA DAS AXUDAS, DURACIÓN E FORMA DE PAGAMENTO

A Oficina de Cooperación e Voluntariado destina a esta convocatoria ata un máximo de 2800 € da aplicación orzamentaria 0800080601 422D 22609, sen prexuízo de que este importe puidese ser incrementado en función da dispoñibilidade orzamentaria.

O importe máximo que se conceda por actividade será de 1500 €.

Todos os gastos imputables á presente axuda, unha vez aprobada, serán xestionados a través da OCV a medida que se vaian producindo estes, mediante os procesos administrativos habituais.

Unha vez rematadas as actividades, a persoa responsable da axuda presentará no presente ano, e non máis aló do 16 de decembro, a memoria final, xunto co informe dos gastos nunha folla de cálculo e a documentación gráfica e/ou audiovisual requirida.

No caso de utilización incorrecta da axuda, a persoa responsable estará obrigada ao reintegro das cantidades executadas indebidamente.

GASTOS IMPUTABLES E NON IMPUTABLES

Son gastos imputables:



- 1) Publicacións e material de difusión (carteis, dípticos etc.)
- 2) Material funxible audiovisual (DVD, CD etc.)
- 3) Gastos por transporte
- 4) Gastos de persoal alleo á UDC: pagamento a conferenciantes e gastos asociados (desprazamentos, aloxamento, manutención) a que se lle aplicará a instrución para o pagamento do persoal alleo á UDC.

Os seguintes serán gastos **NON** imputables:

- 1) Material inventariable
- 2) Envío de material
- 3) Bolsas
- 4) Contratación de persoal
- 5) Gastos administrativos e de xestión

Todos os gastos precisarán da súa correspondente xustificación (facturas, billetes electrónicos, tarxetas de embarque etc.) por parte da persoa adxudicataria da bolsa.

FORMALIZACIÓN E PRESENTACIÓN DE SOLICITUDES


O impreso para presentar as solicitudes atópase dispoñible na páxina web da Oficina de Cooperación e Voluntariado da UDC (www.udc.gal/ocv).

As solicitudes poderanse presentar desde o día seguinte ao da publicación da convocatoria ata as 14:30 h do día 4 de marzo nos lugares seguintes:

- Rexistro Xeral da Universidade da Coruña (rúa Maestranza 9, 15001 A Coruña);
- Rexistro auxiliar do campus de Elviña (Casa do Lagar);
- Rexistro auxiliar do campus de Ferrol (Vicerreitoría do Campus de Ferrol, rúa Vázquez Cabrera s/n).

As persoas solicitantes deberán presentar os seguintes documentos:

1. Impreso normalizado de solicitude debidamente cuberto e asinado
2. Expediente académico actualizado descargado desde a Intranet (formato electrónico) (só alumnado)
3. Carta argumentada dun PDI ou PAS apoiando a actividade presentada (só alumnado)



AVALIACIÓN E SELECCIÓN DE SOLICITUDES

Unha vez recibidas as propostas serán avaliadas seguindo os criterios xerais desta convocatoria pola comisión avaliadora da OCV, presidida pola vicerreitora de Internacionalización e Cooperación, e integrada, ademais, por dirección e persoal técnico da OCV. A OCV publicará as accións seleccionadas para ser executadas.

A avaliación e selección das propostas levarase a cabo, sobre unha puntuación de 25 puntos, tendo en conta os seguintes criterios:

1. Adecuación aos obxectivos propostos na convocatoria e carácter innovador da proposta (máx. 6 puntos)
2. Orzamento acorde coa acción que se realizará (máx. 5 puntos)
3. Actividades vinculadas a outras accións de comunicación e educación ao desenvolvemento e/ou participación social levadas a cabo na UDC (máx. 2 puntos)
4. Colaboración con asociacións, ONGD, universidades e outros actores en materia de comunicación e educación para o desenvolvemento ou participación social, especialmente aquelas entidades que teñan ligazóns permanentes coa UDC (máx. 3 puntos)
5. Repercusión da acción de sensibilización na comunidade universitaria da UDC (máx. 4 puntos)
6. Sinerxías entre diferentes servizos, escolas, departamentos etc. da UDC (máx. 2 puntos)
7. Viabilidade e sustentabilidade da acción (máx. 3 puntos)

RESOLUCIÓN


Nun máximo de 15 días desde o remate do prazo de presentación das candidaturas, a vicerreitora de Internacionalización e Cooperación informará sobre a resolución. Nela indicárase a identidade da persoa ou das persoas beneficiarias.

A Comisión encargada da valoración das solicitudes estará formada por:

- a. Pilar García de la Torre, vicerreitora de Internacionalización e Cooperación
- b. José Jesús Cendán Verdes, director da Oficina de Cooperación e Voluntariado
- c. Vanessa Míguez Martín, técnica da Oficina de Cooperación e Voluntariado

Ou persoas que as substitúan legalmente.

A concesión ou denegación das axudas realizarase por acordo da comisión avaliadora da OCV ata esgotar os fondos dispoñibles. Para tales efectos, publicarase na páxina web da OCV unha relación das actividades aprobadas, así como das denegadas.



Poderase declarar deserta a convocatoria mediante resolución motivada por incumprimento das condicións esixidas nela ou por aproveitamento destas sen autorización previa.

OBRIGAS DAS PERSOAS BENEFICIARIAS

As persoas seleccionadas deberán presentar na OCV, no prazo de 5 días hábiles desde a data de resolución da convocatoria, unha carta asinada onde conste a aceptación da axuda (o modelo de carta está dispoñible na páxina web da OCV).

A aceptación da axuda implica aceptar as normas fixadas na presente convocatoria.

En concreto, as principais obrigas son as seguintes:

- 1) Realizar a actividade para a que se solicitou a axuda no prazo determinado, que deberá levarse a cabo durante o ano 2016.
- 2) Antes de iniciaren as actividades, deberán coordinarse coa OCV, amosarlle o material que se vai empregar, comunicarlle a proposta de datas para a súa realización e difundir de forma conxunta a actividade, onde **se incorporará a imaxe corporativa da OCV**.
- 3) Achegar unha memoria explicativa no presente ano, tras realizar as actividades. Nela constarán as actividades que se levaron a cabo, os obxectivos acadados e as conclusións obtidas, e **non poderá ser entregada máis aló do 16 de decembro do 2016**.
- 4) Incorporar os gastos realizados nunha folia de cálculo.
- 5) Entregar fotografías e calquera outro material en soporte audiovisual que recolla as actividades, que poderán ser utilizadas para divulgar a dita convocatoria por parte da OCV, tanto na súa web como nas redes sociais.
- 6) Non entregar a memoria no prazo esixido implicará a imposibilidade de se presentar a sucesivas convocatorias. A memoria publicárase na páxina web da OCV.
- 7) No caso de variar algunha das condicións da acción, deberá notificarllo o máis axiña posible á OCV. Se a variación é orzamentaria, deberá refacerse o dito orzamento e presentalo coas modificacións aplicadas.

A Coruña, 11 de febreiro de 2016

A vicerreitora de Internacionalización e Cooperación

Pilar García de la Torre